



*Senin, 13 Desember 2021*

**Ogen: Hakim-hakim 11:1-3**



**Ipelawes I Rumah Nari**



Anak kin si mindokensa la erbapa entah la ernande tupung ia tubuh ku doni enda? Anak kin si metehsa bapa nadena erjabu sah entah lang? Engkai maka situasi perjabun bapa nande si la sah, anak si maba beratna.

Pengalamanen Jepta, anak sekalak diberu perlua-lua, bapana Gileat gelarna. Jepta mbelin-mbelin ras Gileat. Ndehara Gileat si sah mupus piga-piga anak dilaki, radu ras me ia nggeluh ras Jepta. Tapi kenca kerina enggo mbelin, anak-anak Gileat enda mpelawes Jepta I rumah Gileat nari alu alasen, Jepta la anak nade si resmi, ia anak diberu perlua-lua. Anak si bage la lit hakna ndatken warisen bapana. Megelut kal Jepta megil perktan senina-seninana e, e maka kiam ia i rumah bapana nari, lawes ia ku negeri Tob.

Adi sungkun kal pusuh Jepta e, tah ia pe labo mindo jadi anak diberu perlua-lua? di kune pe sekali ia anak diberu perlua-lua, nande e tetap nge nande, amin gia lagu langkahna e la ate bage. Uga maka lagu langkah nande si bage, anak maba suina. Megati la lit keadilan i bas perbahanen jelma si enterem nari. Sedak bas pusuh, egia ku ja ituriken maka malem? Adina jelma metahat akapna ngalo-ngalosa anak si bage. Em erbahansa anak e megati minder, pangen akapna si sada, la terbuka man jelma si enterem, sabap kune ieteh kalak kecibalna, banci saja mis icakap-cakapken, tapi labo ialo-alo.

Man Jepta ibere Dibata sada kelebihanen, jadi sekalak pemimpin ngelawan musuh Israel. Teridah maka Dibata la erpilihan man anak si tubuh ku doni enda. La inenNa latar belakang orangtuana. Man kalak si la ndatken keadilan bas doni enda, iberekenna keadilan, man kalak si la teraloken jelma si enterem, Dibata ngasup ngalo-ngalosa. Kalak si ipelawes i rumah nari erkiteken kecibal geluhna la mehuli, Dibata jadi bapana.

Keleng ate la erpilihan



Blank writing area with a wavy top edge.